

Manmin nga mga Balita

NO. 81 SEPTEMBRE 3, 2017

Ang Handkerchief Healing Meeting sa Abu Dhabi, Dubai, og Egypt Nagdala sa Espirituwal nga Kabag-ohan sa Middle East



Ang Manmin Central Church mahalaron sa pagpakatag sa balaang ebanghelyo uban sa klarong pagpakita sa gahom sa Espiritu Santo sa tanang suok sa kalibotan. Bisan sa Middle East nga diin 90% sa populasyon mga Muslim, ang ebanghelyo aktibong gipakatag. Ang Isaac TV nga nagsibya sa Asia og Middle East, og ang permanenting pagbisita og paghimog miting nakadasig kaayo sa mga Pakistani nga mga pastor sa Middle East. Hulyo 2017, si Pastor Taesik Gil (Daejeon Manmin Church) nangulo sa tulo ka handkerchief healing meetings sa maong lugar.

Hulyo 7, 2017, ang unang miting gihimo didto sa Living Water Church (Pastor Yonas Tsegaye Gebrewold) sa Abu Dhabi, ang kapital nga siyudad sa U.A.E., gitambongan kini sa mga 600 katawo (Litrato 1 og 4). Pag 2015, si Pastor Gebrewold nibisita sa Manmin Central Church sa ika-33 nga anibersaryo, og napanalanginan kaayo sa ilang pagkita ni Dr. Jaerock Lee. Pag 2016 iyang giimbetar si Pastor Gil sa ilang simbahan og naghimo sa handkerchief healing meeting, og diin naay daghang kaayohang nahitabo.

Ining maong miting sa 2017, si Pastor Gil nihatud sa mensahing “The

Mystery Hidden before the Ages” (1 Corinto 2:6-9). Sa dihang nag ampo siya sa mga masakiton gamit ang panyo nga inampoan ni Dr. Lee (Buhat 19:11-12), ang tawong dili makakita og tarong kon walay antepara sulod sa 7-katuig nakakita na nga dili mag gamit og antepara, og naa say naayo sa chronic gastritis. Og laing miyembro nga dili makadungog, nakadungog na (Litrato 7).

Ang sunod nga miting gihimo sa King’s Revival Church (Pastor Manzur Barkat) sa Dubai nga maoy pinaka dakong siyudad sa U.A.E. nga gitambongan sa 300 katawo (Litrato 3). Si Pastor Gil niwali sa mensahing “Keys to Receiving Answers” (Juan 5:8-9). Sa dihang siya nag ampo sa mga masakiton gamit ang panyo daghan ang nangaayo sa ilang mga sakit. Si Pastor Manzur Barkat nahibalo sa pagpangalagad sa Manmin pinaagi sa Pakistani United Crusade 2000 ni Dr. Lee og nagtinguha siyang makapamuhat uban sa Manmin.

Ang ika-3 miting gihimo sa Cairo, Egypt pag Hulyo 9. Ang Shuba Pentecostal Church (Pastor Sameh Hanna) nag Sunday Service si Pastor Gil ang namulong og nagbuhat sa Handkerchief Healing Meeting, mga

200 katawo ang nanambong. Iyang giwali ang mensahing “Why Is Jesus Our Only Savior?” basi sa Roma 5:8 og nag ampo sa mga masakiton gamit ang panyo sa gahom (Litrato 2 og 5).

Ang tawong nagsalig sa sungkod sulod sa 6 ka bulan, nakalakaw og gilabay nalang ang sungkod. Iyang gipasidungan ang Dios samtang nagsige og lakaw diha sa santuwaryo. Naa say laing tawo naayo sa pandungog. Og laing tawo nag antos sa paralisado niyang tuo nga kamot og paa naayo. Dili siya makakupot og bisan unsang butang sulod sa 10 katuig, apan malipayon siyang nagpamatuud sa iyang kaayohan nga hugot nagkupot sa mikropono (Litrato 6 og 8).

Pastor Melad Youssef sa Pentecostal Church nihatud sa malipayong balita, “Pag 2014, ang babaye nga nag antos kay dili mo mabdos niapil sa seminar ni Pastor Gil og nidawat sa pag ampo sa panyo. Pinaagi sa pag ampo, nanamkon siya og nanganak og batang babaye. Ang iyang anak maayong nagdako karon.”

Si Rev. Atef Fouad, Presidente sa Pentecostal Assembly of Churches, Egypt, nihangyo ni Pastor Gil sa pagbisita pag usab og niingon, “Akong

na saksihan ang gamhanang lihok. Daghang tawo ining simbahana ang nabag-o og nangaayo sa ilang mga sakit.” Pastor Ibrahim Hanna, Bisi Presidente, niingon uban sa mapasalamatong dughan, “Akong nabati ang presensya sa Dios og napanalanginan sa mensahi sa kinabuhi nga dinohogan sa Espiritu Santo. Nabag-o ko!”

Pag Hulyo 10, si Pastor Gil nakigkita sa mga pastor nga nahisakop sa Pentecostal Church sa Egypt, og pag Hulyo 12 nakigkita siya sa mga pastor sa Manmin Foundation sa Cairo (Litrato 9 og 10). Ang organisasyon (Founder: Pastor Azez Morgan) natukod sa kasiguroan nga ang balaang ebanghelyo maoy yawi aron mabag-o ang Ehipto. Ang mga tawo ilang gihatagan sa mga sermon ni Dr. Lee, sa mga libro og uban pang pagpanibya sa Manmin, sa paglaom nga ang pulong sa kinabuhi og ang gamhanang lihok maipakatag sa tibuok Ehipto.

Atong hatagan sa tanang pasalamat og himaya ang Dios nga maoy nagdala sa dakong espirituwal nga pagbaha aron mabag-o ang mga pastor og mga magtotoo sa Middle East pinaagi sa balaang ebanghelyo og pagpakita sa mga ilhanan.



Senyor Pastor Dr. Jaerock Lee

“Didto sa Krus gidala ni Cristo diha sa iyang lawas ang tanan tang mga sala aron dili na kita magpakasala kondili magkinabuhi na nga matarong. Pinaagi sa iyang mga samad nangaayo kamo” (1 Pedro 2:24).

Ang Probidensya sa Pagkastigo ni Hesus og Pagpatulo sa Iyang Dugo

pagpakasala aron dili ka mahiagom sa labi pang mangil-ad nga hitabo.” Kini nagpahinumdom kanato nga bisan pag kita nagbasol na sa atong mga sala og nakadawat sa kapasayloan sa Dios, kon mobalik ta sa pagpakasala, kita mahiagom sa mas grabi pang mga kasakit kaysa kaniadto.

Ang hinungdan sa mga sakit mao ang sala og tungod kay mapasaylo lamang ang sala kon ini kapaagasan og dugo (Hebreo 9:22), giluwasa kita ni Hesus gikan sa tanang klase sa mga sakit pinaagi sa pagpalatigo og pagpatulo sa Iyang dugo.

2. Motoo gyod ta og mo asoy nga si Hesus gilatigo tungod kanato

1 Pedro 2:24 “...Pinaagi sa iyang mga samad nangaayo kamo.” Mao nga, katong mitoo nga gilukat kita ni Hesus sa atong mga sakit pinaagi sa pagpakastigo og pagpatulo sa iyang dugo dili na mag antos pa sa silot pinaagi sa daghang mga sakit og balatian (Mateo 8:17).

Ang ubang tawo moigon, “Makasala ko usahay tungod kay hina ko. Lisod alang sa tawo ang magpakabuhi sa Pulong sa Dios.” Apan timan-i sa Panultihon 18:21 nag ingon, “Ang imong isulti makaluwas o molaglag sa kinabuhi, busa kinahanglan nga dawaton mo ang sangpotanan sa imong gipanulti.” Sa bisan unsang sitwasyon o kondisyon moingon ka nga “Lig-on ko og puno sa Espiritu pinaagi sa grasya sa Dios,” basi sa imong pag-angkon sa pagtoo, imong madawat ang grasya og kusog, daling mabuntog ang kakapoy, og mahimo ang “imposible” ngadto sa “possible.”

Sa pag ampo alang sa kaayohan, imbis moingon nga “Motoo ko nga maayo” kon moigon ka nga “Nagtoo ko nga naayo nako,” ang Dios magapamuhat sigun sa imong pag angkon sa pagtoo. Karon ang ubang moingon nga, “unsaon man nako pag ingon nga naayo na nga permi pa ni nako nabati ang kasakit? Wala ba ko ana manghambog?” Kon sila naay insaktong kaalam sa espirituwal nga pagtoo dali ra ni nilang masabtan.

Sa giingon sa Hebreo 11:1 “Ang kahulogan sa pagtoo mao nga may kasigurohan kita sa mga butang nga atong gilaoman nga dili makita,” ang pagtoo dili ang pagsulti human nga atong na saksihan; kon dili katumanan o hugot nga pagtoo sa butang nga atong

gilaoman nga moabot pinaagi sa pagtoo. Sa imong pagsulti, “Nagtoo ako” apan wala sa imong dughan dili gyod moabot ang butang nga imong gilaoman. Gawas kon ikaw misulti ini uban ang pagtoo nga diin mitoo ka, ang maong butang mahitabo gayod.

Kon kinasingkasing kang motoo og mo ingon, “Pinaagi sa gahom sa Dios, ang mga kahina og mga sakit mobiya sa akong lawas,” ang atong Ginoo magapamuhat pinasubay sa imong pagtoo. Kon dili ka makatoo sa tinud-anany’ng pagtoo ini og sa pag asoy sa sama ini, ang mga balatian dili mobiya kanimo tungod kay naghunahuna kapa nga, “Naa gihapon ang sakit. Wala pa ko mayo.” Kon wala ang pagtoo magpabilin ka sa mga sakit og pag antos. Tungod sa mga negatibong hunahuna, dili nimo ma eksperyensya ang lihok sa Dios.

3. Ang ubang moingon nga “Nagtoo ko” apan wala gihapon makadawat sa kaayohan

Kon ang tawo nagpadayon sa pag antos sa sakit, bisan pa og sila nitoo nga si Hesus gilatigo og piaagi sa maong kastigo Iya silang nalukat sa ilang mga sakit, kini tungod kay sila wala magpakabuhi subay sa kamatarong sa Dios.

Exodo 15:26 nag ingon, “Kon maminaw gayod kamo kanako, ang GINOO nga inyong Dios og buhaton ninyo ang giisip ko nga matarong og magtaman sa tanan kong ipabuhat kaninyo, dili ko kamo kastigohon sa bisan unsang sakit nga akong gipahamtang sa mga Ehiptohanon. Ako ang GINOO, maoy nag-ayo kaninyo.”

Sa espirituwal nga termino ang “Ehipto” nagpasabot sa kalibotan nga atong gipuy-an og ang “mga katalagman” nga nahagoman sa mga Ehiptohanon nagpasabot sa mga sakit nga ania ining kalibotana. Kon kita magbaton og magpakabuhi sa mga sugo sa Dios, dili ta mahiagom sa mga sakit. Bisan pa og masakit ta og sa makausa maghinulsol dayon, ang Dios moayo nato.

Dili ta magpakamatarong basi sa atong kaugalingong panglantaw, apan basi sa panglantaw sa Dios. Ang giingong matarong sa tawo managlahi tungod kay ang panghitabo og pamatasan diin nakita, nadungog og nakat-onan nga namat-an og buot sa

tawo managlahi. Naay tawo moingon nga ang maong pamatasan “matarong” apan mahimong sa ubang tawo “dili matarong.”

Ang mga butang tinuod nga matarong kon ang Dios mismo maoy moila nga “matarong”, og ang sumbanan mao ang Pulong sa Dios nga mao mismo ang matarong. Pananglitan, kon ang ilang anak nipauli nga naghilak tungod kay gihapak sa laing bata, ang ginikanan masakitan og naay ikasulti sa ginikanan sa bata nga maoy nanghapak. Apan ang matarong alang sa Dios, nag ingon nato nga, “kon sagpaon ang imong aping ipasagpa sad ang pikas aping,” “Batoni ang kalinaw,” og “Higugmaa ang imong kaaway.” Imo tingale mabati nga na alkansi ka tungod sa imong pagsunod sa kamatarong sa Dios, apan sa katapusan ilhon ka sa Dios og Siya ang mopataas nimo.

Ang ubang mahibulong, “Unsaon man kaha nako pagbaton sa tanang sugo sa Dios?” Apan ang pagbaton og pagpakabuhi sa mga sugo sa Dios dili lisod nga buhaton. Kon ikaw nagtoo og nagpakabuhi nga perming magpahinumdom sa imong kaugalingon nga, “Ang Espiritu Santo kanunay motabang nako og tungod sa grasya og kusog sa Dios nga Iyang gihatag nako, dali ko ra kining buhaton,” og mahimo kining sayon. Kon ikaw nahigugma sa Dios og nanglantaw sa Langitnong himaya og ganti, ang pagbaton sa mga sugo sa Dios dili lisod nga tahas.

Kon naghunahuna ka nga ‘daghan kaayo ko og sala nga angay ilabay og moabot pa og daghang tuig aron kini mahurot!’ pagsuway og lista sa mga sala nga imong nalisdan paglabay. Kini sama nga ang dakong gamot sa yuta lisod kuhaon, ang gamay nga gamot sayon ibton. Kon ang tawong gikan sa kangitngit magsugod og lakaw sa Kahayag, ang paril sa sala nga nagbabag kaniya ngadto sa Dios matumpag. Ang pagtoo nga maoy ilang gitooan moabot kanila og mahimo nilang ma eksperyensya ang lihok sa Dios.

Mahal nga kaigsoonan diha ni Kristo, pinaagi sa paglatigo Kaniya og pagpatulo sa Iyang dugo, si Hesus milukat kanato sa tanan tang mga sakit og balatian. Kay imo namang nailhan ang Ginoo nga Moayo, ako manghinaot nga maayo ka sa tanan nimong mga sakit og matinguhaong magbaton sa mga sugo sa Dios.

Ang Pag-angkon sa Pagtoo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtoo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga **Balita**

Bisayan

Published by Manmin Central Church

29, Digital-ro 26-gil, Guro-gu, Seoul, Korea, 08389
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminen@manmin.kr
Publisher: Dr. Jaerock Lee
Managing Editor: Geumsun Vin

“Akong na Eksperyensya ang Gahom sa Re-creation!”



Manmin Summer Retreat 2016

Sa Manmin Summer Retreat matag tuig nga pagahimoon sa buwan sa Agosto, daghan ang nangaayo sa nagkalain-laing sakit lakip na sa AIDS, deprisyon, heart attack, brain hemorrhage, demensya, og pagkabuta. Karon atong paminawon ang mga panghimatuud sa ilang kaayohan.

“Nakalingkawas ko sa Deprisyon og Nabuhi Pagbalik Gikan sa Koma!”

Brother Jaswant Singh,
69 anyos,
Chennai Manmin Church, India



Nag antos ko sa deprisyon og maglisod sa pag ginhawa human mamatay ang akong asawa. Nag inom sad ko og tambal sulod sa 15 katuig tungod sa ‘aftereffects’ sa akong operasyon sa kasingkasing og niadtong Agosto 2, 2016, ang sintoma ni grabi og gisulod ko sa hospital.

Pagsunod adlaw gidala ko sa ICU kay ni grabi ang akong kondisyon. Akong giingnan ang akong anak nga patawagan si

Pastor Joseph Han nga didto sa Manmin Summer Retreat sa Korea og giingnan nga ipadawat ang pag ampo ni Dr. Jaerock Lee alang nako. Kay didto man sa prayer house si Senyor Pastor, dili madawat ni Pastor Han ang pag ampo.

Agosto 7, Domingo sayo sa buntag, gi ataki ko sa kasingkasing og nawad-an og panimuot. Atol ining higayona si Pastor Han nilamano ni Dr. Lee diin ang akong ngalan gisuwat sa palad sa iyang kamot, og nakamata ko gikan sa koma!

Gibalhin ko sa general-ward og nigawas sa hospital sunod adlaw. Kompleto kong naayo sa insomya og deprisyon. Halleluyah!

Enero 2017, ang akong apo Shawn, 11 anyos, naay talagsaong sakit nga maoy hinungdan nga ang iyang bukog sa ilong nagtubo, apan naayo siya pinaagi sa pag ampo ni Senyor Pastor. Uban sa mapasalamatong dughan, karon malipayon kong nangandam sa Manmin Summer Retreat 2017.

“Nakadawat ko sa Kaayohan sa Wala nga Mata og Nakakita Pagbalik!”

Brother Sangyeong Park,
52 anyos, Parokya 4,
Manmin Central Church



Hulyo 1990 na aksidente ko. Nadaot pag ayo ang akong utok og gi-operahan. Gipaka ingon nga naa koy ‘brain lesions’ stage IV og ang akong wala nga mata nabuta. Dili ko makakita. Permi ko mabangga sa mga tawo, og permi ma aksidente sa sakyanan tungod kay dili ko makakita sa akong wala nga bahin sa samin.

Agosto 8, 2016, unang adlaw sa Manmin Summer Retreat, kahibulongan

ang nahitabo. Nadugay kog abot sa Deokyusan Resort og dili nako maka adto sa Jumping Park, lugar sa siminar. Apan akong nadawat ang pag ampo ni Senyor Pastor sa GCN live broadcasting sa akong smartphone. Atol sa pag ampo, namugnaw ang akong mata og naka aninag og kahayag. Human sa pag ampo, taodtaod og gamay nakakita ko sa mga tawo nga nanglihok.

Septembre, ang akong wala nga panan-aw kay 0.15, og pag Pebrero 2017, 0.2. Nagkaayo kini.

Naay epekto sa akong operasyon sa utok, insomya. Nag inom ko og ‘zolpidem’, para pakatulog, sulod sa daghang katuigan. Naa ni mga side effects og nagsulay ko sa paghunong ini, apan dili sayon kay naanad nako ani. Kon dili ko moinom, dili ko makatulog, o magdamgo og bati, o mahadlok og kuyawan.

Human sa Summer Retreat, makatulog nako og tarong bisan dili moinom og zolpidem. Halleluyah!

Karon makakita nako og nag maneho sa Level 1 nga sakyanan. Kay makatulog naman og tarong dili nako masuko sa mga tawo. Malipayon ko og himsog. Akong pasalamat og himayaon ang Dios.

“Naayo Ko sa Sakit nga Walay Kaayohan, Color Amblyopia!”

Brother Jeongwoo Cheon,
13 anyos,
Masan Manmin Church



Mayo 2016, ang akong doktor niingon nga naa koy ‘color amblyopia.’ Og dili ko mahimong mag marinero, piloto o doktor tungod sa akong problema sa mata. Nabalaka ko og kadiyot, apan nalipay kay ang Manmin Summer Retreat umaabot og naa may daghan nga mangaayo ini. Ang akong ginikanan, igsoon og ako nangandam sa retret uban ang pagtoo nga makadawat sa tubag.

Agosto 8, unang adlaw sa retret, si Senyor

Pastor Dr. Jaerock Lee nag ampo sa mga masakiton. Akong gibutang ang akong kamaot sa akong mata. Human sa pag ampo, akong gibuka ang akong mata. Akong na klaro ang kahayag sa intablado. Nasiguro ko nga naayo. Akong gikuha ang akong telepono og gi test ang ‘amblyopia.’ Makabasa nako sa mga numero og litra nga dili unta klaro sa akong mata. Halleluyah!

Karon nagsirbisyo ko isip Presidente sa Children’s Sunday School. Gusto kong mahimong sulundugon nga estudyante og maghimaya sa Dios.

“Naayo Ko sa ‘Ileitis’ Atol sa Praktis sa Athletic Meet!”

Deconesa Haesook Lee,
61 anyos, Parokya 24,
Manmin Central Church



Kataposan sa Hulyo 2016, nisakit ang akong tuo nga dapit sa tiyan. Sa akong pagdawat sa pag ampo ni Senyor Pastor nga gi-record sa Automated Response System, ang kasakit niarang. Atong higayona ang 3rd Great Grand Parish nag praktis og Roll-a-Ball Game para sa Athletic Meet sa Manmin Summer Retreat, og napili ko nga moduwa. Agosto 2, bisan og dili kaayo ko kondisyon, niapil ko sa praktis.

Agosto 3, nibati ko sa grabing kasakit sa akong tuo nga bahin sa tiyan dapit sa ubos og dili makatulog. Niadto ko sa hospital, og ang CT scan nagpakita nga naa koy ileitis.


Ang akong ‘ileum’ sunod sa appendix nihubag og nagnana kini. Grabi kayo nga na apektohan ang uban pang organ’s nako. Akong na dunggan nga mahimong peritonitis og septicemia og kinahanglan kining operahan dayon. Ang doktor niingon nga operahan dayon ko sunod adlaw. Nagsugod ko og hunahuna sa rason nganong naa man ni nakong sakita. Niabot sa akong hunahuna nga magsige ko og reklamo hapit sa tanang butang. Ako kining gibasolan pag-ayo og human nagmalipayon ko. Ni praktis ko sa Athletic Meet og human niuli sa balay. Natulog human makadawat sa pag ampo ni Senyor Pastor.

Pagka ugma, Agosto 4, nag kalibang ko og green ang kolor. Human wala nay sakit og nindot na akong pamati. Ang akong doktor niingon nga wala nay ilhanan pa sa ileitis og dili kinahanglan operahan. Halleluyah!

CT scan



Sa wala pa ang pag ampo Ang ileum namuwa og hubag kaayo, gilibotan sa nana.



Human sa pag ampo Wala na mamuwa, dili na hubag og normal na.



Sister Cheisusun,
35 anyos, Taiwan Manmin Church

“Ang Akong Amahan Naayo sa Grabing Demensya!”

Pebrero 2013, gidala ko sa Taiwan Manmin Church og nahibalo sa Langit og Impeyerno. Nag ampo nako og nabag-o ang akong kinabuhi. Sa akong pagpanulti sa ebanghelyo ang akong pamilya na ebanghelyoan, og ako sad na eksperyensya ang gamhanang lihok lakip na sa kaayohan sa akong “allergic ophthalmodesmitis”, og kadaot sa mga ugat sa akong mata.

Hunyo 27, 2016, ang akong amahan sa kalit lang dili na motanaw nako. Sunod adlaw, nasuko og maayo og naghubo. Nisulti siya og bati nga mga pulong unya lain kaayog lihok. Pag Hulyo 20, gihiling siya sa doktor og giingon nga naa siyay grabing demensya. Ang akong pamilya naghalad og 21 ka adlawng panaad sa pag ampo sa Daniel Prayer Meeting, puasa, og nidawat sa pag ampo alang sa masakiton. Ni minus ang iyang

kasuko.

Ni bisita ko sa Korea og niapil sa Manmin Summer Retreat 2016 og nihatag og litrato sa akong amahan og sa iyang sakit diha sa simbahan. Agosto 7, si Senyor Pastor niampo niya atol sa Sunday Morning Service.

Ang Dios nagapamuhat sa akong amahan. Human sa serbisyo, nakig estorya ko sa akong inahan sa teleponon. Niingon siya nga molihok na kono og mokaon nasad. Kay dili man siya mokaon og tarong og matulog nalang.

Agosto 8, niapil siya sa retret pinaagi sa internet sa Taiwan og nidawat sa pag ampo ni Senor Pastor. Human sa pag ampo, ang iyang

panumduman nibalik og ang tanang balatian nawala. Halleluyah! Septembre 20, gihiling nasad siya og giingon nga normal na ang tanan diha niya. Akong hatagan sa tanang pasalamat og himaya ang Dios nga nitugot nga among ma eksperyensya ang maong kahibulongang gahom. Pasalamat na sad nako si Senyor Pastor nga nag ampo sa akong amahan.

Suwat sa Doktor



Sa wala pa ang pag ampo, naay demensya (wala) Human sa pag ampo, wala nay sintoma sa demensya uban sa CDR score 1 (tuu)

“Naayo ko sa Acute Brain Hemorrhage!”




Senyor Deconesa Jinhee Kim,
55 anyos, Parokya 12, Manmin Central Church

hemorrhage. Apan walay nakita nga simtoma diri nako sa brain hemorrhage. Ang doktor nahibulong kaayo.

Ako siyang giingnan nga mokanta ko sunod adlaw sa special praise sa worship service sa simbahan. Natingala kaayo siya og niingon nga, “Dili! Ayaw. Dili ka makakanta. Kon mokanta ka, modako og intracranial pressure og mahimo ning hinongdan nga magdugo nasad ang imong utok. Mamatay ka.” Agosto 5, nibiya ko sa hospital og nihalad sa akong special praise uban ang pagtoo sa akong Dios nga maoy Moayo. Og ako sad gihalad ang akong special praise pinaagi sa grasya sa Dios atol sa Friday All-night Service (Wala).

Agosto 8, niapil ko sa Manmin Summer Retreat. Akong gidawat ang pag ampo ni Senyor Pastor uban ang pagtoo, sa unang adlaw. Agosto 17, naa nasad koy CT scan. Ang doktor niingon nga ang mga dugo limpyo na, og ang akong lawas kahibulongang normal. Halleluyah!



Sa wala pa ang pag ampo 2cm-gidak-on sa hematoma sa iyang brain nucleus

Human sa pag ampo Walay hematoma

“Giluwas ko sa Dios diha sa Ngilit sa Kamatayon”



Brother Bampa Sela Omer,
66 anyos, Kinshasa Manmin Church, DR Congo

Gihiling ko nga naay AIDS og giingon nga hapit nako m a m a t a y . Nabalaka kaayo ko og naguol. Unya ang akong iyaan nihatag nako og mga libro ni Dr. Jaerock Lee

Tasting Eternal Life before Death, The Message of the Cross, og The Measure of Faith, sa pagbasa ini nakabaton ko og paglaom.

Pag Oktobre 2014, nagsugod ko og tambong sa Kinshasa Manmin Church og nahibaw sa gamhanang lihok ni Dr. Lee. Nakasiguro ko nga maayo gyod kon mosalig sa Dios nga nag-uban ni Senyor Pastor. Wala nako moinom sa akong tambal og motambong gyod sa mga worship service og sa Daniel Prayer Meeting. Sa akong pagbuhat ini, nakaangkon ang akong lawas og kusog.

Gusto gyod kong maayo. Niapil ko sa Manmin Summer Retreat 2015 pinaagi sa GCN og nidawat sa pag mpo ni Senyor Pastor. Ining higayona ang kalayo sa Espiritu Santo nabati nako og niinit ko.

Paghuman ang grabing kasakit sa akong bagtak nawala, og niarang akong pamati. Dili nako malipong og makalihok na og tarong. Niayo gyod ang akong kondisyon. Nawala ang mga timailhan og mga samad. Nibalik ang akong maayong panglawas. Halleluyah!

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figueras Sampaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy, San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714